



## **Vniuersa Theologia Scholastica, Speculatiua, Practica**

Ad methodum S. Thomæ, quatuor Tomis comprehensa

**Tanner, Adam**

**Ingolstadii, 1626**

VI. An & qua ratione generatim Angelus possit moueri localiter, &  
quidna[m] motus localis ei superaddat, aliquidne intrinsecum, an solam  
denomin ationem extrinsecam.

---

[urn:nbn:de:hbz:466:1-72856](https://nbn-resolving.de/urn:nbn:de:hbz:466:1-72856)

alijque ferè recentiores citati, assert. 2. Ratio sumitur ex dictis dub. 4. Quo enim quisque Angelus perfectior est, eo locus cuiusque adæquatus maior est: Ergo fieri non potest, ut plures sint in eodem loco adæquato, nisi sint eiusdem speciei & aequalis perfectionis; id verò ita esse ex veriori dictum est quest. 1. dub. 5. Vnde consequenter facile suadetur aequalitas perfectionis secundum vim occupandi locum. Quanquam Gregorius de Valentia loco citat, putet etiam ob solam differentiam numericam fieri non posse, ut plurum Angelorum idem sit locus adæquatus; quod non credo; idque exemplo corporum, & ni fallor etiam animarum, satis refellitur. Atque hæc est vera resolutio de loco adæquato: huius enim rationem non esse petendum ex eo utrum Angelus totu[m] conatu, aut omni quam habet vi operandi, se se ad locum applicet, ex eo facile probatur, quia hac ratione semper Angeli essent imperfecte & incomplete, seu inadæquate in loco; quia nunquam aut vix vñquam operantur in loco quantum possunt; siquidem aut plura, aut idem, maiori vi & celeritate operari absolute possent, siue loquamus de Angelis existentibus in celo siue in inferno, vel in corporibus obsecisis, &c. vt bene Suarez cit. cap. 9. num. 13.

Ex quibus etiam colligitur, non solum naturaliter posse Angelos modo explicato esse in eodem loco, sed quantum est ex naturis rerum, etiam nihil obstat, quo minus ita re ipsa plures sint simul in eodem loco. An verò Angeli boni, quasi ciuitatis & mutua reverentiae ac honoris causa, vbi nulla peculiaris causa vel necessitas virget, sibi locum quasi cedant, sicut inter homines assolent, & de animabus sanctis non nulli docuerunt, incertum est, & liberum est cuique ut volet sentire. Probabile tamen est, quod docet Suarez, numero 7. fortasse sanctos Angelos in celo Empyreo non esse plures simul in eadem parte cœli, propter maiorem pulchritudinem & ornatum: secus fortasse accidere in malis Angelis inhabitantibus infernum; vbin nullus ordo, sed sempiternus horror inhabitat.

## D V B I V M VI.

*An, & qua ratione Angelus posset moueri localiter, & quid motus localis ei superaddat, aliquidne intrinsecum, an potius solam denominationem extrinsecam.*

S. Thom. 1. p. q. 53. a. 1.

**A**ssertio I. Angeli possunt vere moueri localiter. Ita communis & certa Doctorum sententia cum Magistro in 1. distinctione 27. vel in

2. distinctione 2. & 6. & cum sancto Thoma hic questione 53. articulo 1. quicquid Durandus in 1. distinctione 37. part. 2. questione 1. & 2. itemque Heruæus tract. de motu Angelii questione 1. articulo 1. & 2. negarint, Angelum vere moueri localiter: ille quia Angelum secundum substantiam putauit esse ubique; hic quia putauit Angelos non vere esse in loco; quorum utrumque supra dub. 1. refutauimus. Probatio patet ex assertione sequenti. Quod autem S. Thomas 3. cont. gent. cap. 102. & Ferratiensis ibidem indicant, incorporalia proprie moueri localiter non posse, id de motu secundum locum, physicum accipientium est. Esti Molina hic qu. 53. art. 1. contra S. Thomam ibidem, & q. 52. art. 1. assertit, sicut vbi Angelicum, ita etiam motum localem Angelii, vniuoce conuenire cum vbi & motu locali corporum; illumque ponit in predicamento vbi, hunc vero in prædicatione quantitatis; de quo viderint Philosophi.

Assertio II. Angeli effectiæ à seipsis & proprijs naturæ viribus moueri possunt localiter. Ita communis etiam & certa Doctorum, cum Magistro & S. Thoma locis citatis; recteque confess Suarez hic lib. 4. cap. 18. num. 3. id absque errore negarion posse; quicquid Capreolus in 1. dist. 6. q. 1. a. 1. neget, posse Angelum seipsum moueri, nisi per accidens: & quicquid etiam dubium hac de re locutus fuerit Ariminensis in 2. dist. 6. q. 1. art. 4.

Probarunt assertio primo aperte ex scriptura, quæ non solum motum localem Angelo tribuit, sed eum etiam ijs verbis exprimit, quæ docent, eum à principio naturali & vi intrinsecâ ipsius Angelii prouenire. Sic enim Iob. 2. v. 2. Satanus dicitur circumfere terram, & perambulasse eam Luc. 1. v. 26. Missus est Angelus Gabriel à Deo in ciuitatem Galileam. Et v. 28. Et ingressus ad eam dixit. Et v. 38. Et discessit ab illa Angelus. Luc. 8. v. 32. Et rogabant (legio demonum) Christum, ut permitteret eis in porcos ingredi. Et permisit illis. Exierunt ergo demones ab homine, & intrauerunt in porcos. Eodem modo Martini 1. Luc. 4. Act. 8. Ioann. 1. & 5. exire dicuntur ex corporibus obsecisis. Item Matth. 28. v. 1. Angelus dicitur descendisse de celo, & Ioann. 5. v. 4. in piscinam. 1. Pet. 5. Circuit quarens quem deuoret. Optimus etiam est locus Matth. 12. a. v. 43. Cum immundus spiritus exierit ab homine, ambulat per loca arida, quarens requiem, & non inuenit. Tunc dicit: Reuertar in domum meam, unde exiui. Et veniens inuenit vacantem, scopù mundatam, & ornatam. Tunc vadit & assumit septem alios spiritus secum nequirores se, & intrantes habitant ibi. Plura similia passim occurunt.

Secundo probatur ex SS. Patribus. Dionysius cap. vlt. de cœl. hier. dicit, Angelorum pedes depingi latos, propter motus celeritatem. Tertullianus apolog. cont. gent. cap. 22. Omnis, inquit, spiritus ales est; hoc Angeli & demones; igitur momentu ubique sunt. Gregorius Nazianzenus orat. 34. siue 2. de Theolog. Loca omnia pergrant, omnibusque impigne adiungit, tum ob ministerium promissitudinem, tum ob naturale uitatem. Hieronymus epist.

epistol. 53. contra Vigilantium docet, Angelos vbique praesto esse; propter natura sua celeritatem. Damascenus lib. 1. de fid. cap. 17. ait: *Angelus ob natura perniciem, et quia prompte ac celeriter transit, in diversis locis operatur.* Similia habent Ambrosius lib. 1. de Spiritu sancti. Chrysostomus homil. 3. in epist. Hebr. Gregorius homil. 34. in Euang. Bernardus in serm. in Cant. & alij.

Tertio probatur assertio ratione. Tum quia Angeli cum sint spirituales substantiae, non dependent ab uno loco; & cum nobiliores sint quam corpora, multo magis quam ista, mouere se poterunt; cum in substantijs finitis, que vbique non sunt, sit cuiusdam perfectionis posse alia & alia loca occupare, & ad eas mouere. Tum quia multo probabilius est, etiam animam rationalem separatam posse naturaliter seipsum mouere: tametsi Valsquez disp. 194. num. 8. putet, hoc ex doctrina Patrum, & scripturæ, non ita compertum esse. Certè quidem etsi de fide sit, Christi animam etiam quoad substantiam descendisse ad inferos, non tamen ex fide constat, hoc naturali, & non supernaturali virtute anima factum. Quod autem Durandus in 1. dist. 37. part. 2. q. 1. ad 6. & in 3. dist. 2. q. 3. num. 5. ait, animam separatam secundum se nullibi esse, & inferno aut purgatorio solum per deputationem adesse, recte errore vocavit Valsquez disput. 194. cap. 2. de quo alibi.

Assertio III. Angelus seipsum per se mouet, & non solum per accidens. Ita communis Doctorum loc. cit. saltē eo casu, quo Angelus seipsum absque corpore, quod secūlū deferat, mouet, quamvis assertio etiam extra hunc casum procedat, vt dicimus. Est autem assertio contra Capreolum. loc. cit. qui yniuersim assertit, solum per accidens Angelum se mouere posse: quasi nimis Angelus per se solum possit mouere corpus; à corpore vero ex consequenti, & per accidens simul quasi trahatur; perinde ac si quis in curru sedens directe & per se moueat currum, & ex consequenti seipsum, vel sicut anima directe mouet corpus, se vero solum per accidens una cum corpore. Quod sane non videtur probabile, vt bene Suarez hic cit. cap. 28. cum alijs citandis pro assert. 5.

Probatur assertio. Tum quia Angelus, siue est in loco per suam substantiam, etiam si in eo nihil efficiat, ita potest se loco mouere, etiam si nullum corpus moueat. Tum quia Angelus nullo vinculo reali alligatus est corpori, quod mouet, vt ab eo trahi possit; sed sola voluntate extrinsece ei coniungitur, vt contra Valsquez etiam dictū dub. 3. Tum quia quando Angelus mouet corpus & ab uno loco defert ad alium, per se ipsum, absque impulsu impresso, (quo modo Angelum posse mouere corpora certius est, ex dicendis quest. 5.) tunc prius quasi natura & ratione seipsum loco mouere debet, quam corpus mobile; quandoquidem tunc mediante motu Angelicū corpus transfertur. In quem sensum Lychetus in 2. dist. 2. q. 9. ait, *Quod si Angelus sive in lapide, qui mouet lapidem, non moueat Angelum per accidens; sed si Angelus semper vult esse præfens lapidi, necesse est, ut propria voluntate & actione se moueat, ut lapidem comittetur.* Accedit

denique quod nusquam in scriptura, vel apud Patres legitur, quod corpus aliquod loco mouerit, aut alio tulerit Angelum, sed quod Angelus corpus, v. g. Habacuc in Babylonem ad Danielem, porcos in mare, &c. Recte tamen notat Suarez hic lib. 4. cap. 14. num. 1. Angelum quando mouetur cum corpore, dici posse per accidens moueri, alio sensu, nimis quia concomitante simul cum corpore mouetur, vel quia non propter se, sed propter corpus mouetur, &c.

Assertio IV. Angelus mouere seipsum potest motu tum continuo, tum discreto. Ita expresse S. Thomas q. 53. a. 1. & communis Doctorum loc. cit. quicquid de continuo neget Hibernicus apud Ariminensem in 2. dist. 6. q. 2. & vt appareat olim etiam ipse S. Thomas in 1. dist. 37. q. 4. a. 1. & de discreto Ariminensis in 2. dist. 7. q. 3. apud Gregorium de Valentia hic q. 4. punct. 1. Probatur, & declaratur. Quia mortis continuus est, quando mobile locum quantum occupans, successuē & per partes, ac sine interruptione priorem locum deserit, & alium acquirit. Motus discretus est, quando mobile locum priorem quantum simul totum deserit, & toti alteri loco simul se applicat: at vero nihil obstat, quo minus Angelus & locum aliquem quantum seu diuisibilem occupans, successuē eundem locum absque interruptione deserat, & alium eadem ratione acquirat: vel etiam, vt priorem locum simul totum deserat, & alium nouum totum simul acquirat, siue utrumque hoc fiat simul in eodem instanti, siue in diverso, de quo dub. 8. quia cum sit spiritualis & indiuisibilis, non est necesse, quemadmodum in corpore accidit, vt una pars eius prius, altera posterius eundem locum occupet, sed potest se totum simul indiuisibiliter toti loco etiam diuisibili presentem susterre, vt pluribus dicetur dub. 7. & 8. Ergo, &c.

Nec obstat, quod ad motum continuum 6. Physic. cap. 4. & 10. requirit Aristoteles, vt mobile, partim sit in termino à quo, partim in termino ad quem. Id enim etiam in Angelo suo modo accidit; non quod Angelus secundū aliquam sui partem sit in termino à quo, & secundum aliam in termino ad quem; sed quia habet partem termini à quo, & partem ipsius termini ad quem, vt recte declaravit S. Thomas hic cit. art. 1. ad 1.

An vero si Angelus esset solum in aliquo punto indiuisibili, moueri posset motu continuo, non est opera pretium hic fuse disputare: eadem enim difficultas est, quæ de ipso puncto indiuisibili quantitatis, si separatum constitueretur. Et vero quāvis negatiua sententiam tradat Aristoteles 6. Physic. tex. 32. eo ipso argumento, quia hoc mobile non potest partim esse in termino à quo, partim in termino ad quem; verior tamē videtur sententia affirmativa, quā Scotus in 2. dist. 2. q. 9. tuetur, & sequuntur etiam Valsquez disp. 195. cap. 6. & Albertinus tom. 1. princ. 1. coroll. 46. dub. 4. quia ad motum continuum, in re indiuisibili, absolute loquendo, sufficit, vt mobile successuē & continuo alium & alium locum, seu Vbi acquirat. Et cum in motu continuo & successuō corporis nullum sit punctionum, quod non simul etiam

cum eo utique successiue moueatur; cur id repugnabit puncto separato; si modo puncta eiusmodi dentur? Quod si quis urget, hinc consequens esse, punctum puncto, & instanti instans immediate subsequens esse, is hoc solum efficiet, ut absolute concedamus, eiusmodi puncta nondari, de quo disp. 2. q. 4. dub. 2.

**10** Atque haec tenus explicauimus, an & qua ratione, generatim loquendo, moueri possit Angelus: quid vero sit ipse motus localis Angelii, quidem ei superaddat, iam restat explicandum. De qua re sunt tres Doctorum sententia. Prima absolute docet, motum in Angelo solum esse formam seu denominationem extrinsecam, nempe vel presentiae denominationem à loco extrinsecam; vel distantia à fixis partibus mundi. Ita docent Aegidius in 1. distinct. 37. part. 2. art. 2. quæst. 1. Arminensis in 2. dist. 6. quæst. 1. art. 2. Ferrarensis 3. cont. gent. cap. 102. Caietanus hic q. 53. art. 1. quorum nonnulli idem etiam docent de motu corporum. Fauer huic sententia tum Aristoteles 4. Physic. cap. 7. tex. 59. vbi ait: *sola latione nihil in hisce, que insint fibi, mutatur: tum etiam Sanctus Thomas hic q. 53. a. 1. vbi obscure ait, motum localem nihil aliud esse, quam diuersos contactus diuersorum locorum successiue;* quod tamen, ut de loco dictum dub. 3. in variis posset sensus accipi. Et infra q. 100. art. 3. docet, Angelos mouere posse corpora secundum locum, non tamen alio motu, quia corpus per motum secundum locum non est in potentia ad aliquid intrinsecum. Quare Molina hic q. 53. a. 1. ita etiam S. Thomam intellexit; sed quem non sequitur, ut dicemus.

**11** Secunda sententia distinguit; idque rursum, duplice. Quidam enim dicunt, priorem sententiam veram esse, quando Angelus solum mouetur motu corporis, quod mouet; non autem, quando per se absque motu corporis mouetur. Ita refere Vasquez cit. disp. 195. cap. 2. & Suarez lib. 4. cap. 12. num. 4. idque significat Ferrarensis cit. cap. 102. At vero ipsem Vasquez cap. 4. aliter distinguit. Fatetur enim quidem, quando Angelus solum per accidens una cum corpore mouetur, nullam fieri in ipso intrinsecam mutationem; fieri autem, quando per se mouetur loco, eo quod tunc Angelus verum modum realem unionis acquirat, quo coniungatur realiter alicui corpori, ut dictum supra dub. 3. at vero simul ait, motum localem formaliter non consistere in acquisitione aut variatione illius modi, sed in extrinseca quadam denominatione distantia à punctis fixis, ita ut terminus motus non sit motus ille realis, sed distantia. Vbi eadem ratione putat, etiam animam in corpore, & corpus Christi sub speciebus, moueri localiter solum per denominationem extrinsecam.

**12** Tertia sententia vniuersim docet, tam corpus, quam Angelum non moueri localiter, nisi per mutationem intrinsecam in ipsis receptam, quam ut veriorem sequentibus assertionibus explicamus.

**13** **Assertio V.** Omnis motus localis Angelii, siue per se, siue per accidens loco moueri dicatur, est mutatione quædam realis intrinsecam in ipso Angelo,

adeoque vera acquisitione noui termini realis & intrinseci. Hanc assertiōē aperte tradit Lychetus in 2. distinct. 2. quæstion. 9. & 10. Molina, & Zumel quæstion. 53. articulo 1. & fuses Suarez hic lib. 4. capit. 13. & 14. qui etiam cap. 12. eandem sententiam vocat communem Scholasticorum; tametsi veteres ex instituto hac de re vix disserant. Ita tamen sentire videtur Alensis 2. part. quæstion. 33. membr. 1. & 3. inter se bene collatis, apertius Scotorum in 2. distinct. 2. quæstion. 9. & 10. & in 4. distinct. 10. quæstion. 6. vbi docet, corpus Christi moueri proprio motu, quando cum speciebus defertur; Quare Scotum in hanc quoque sententiam citant Lychetus loco citat. Herrera & Pesantius infra. Consentit Richardus in 1. distinctione 37. articulo 3. quæstione 1. præsentim ad 5. & Bonaventura articulo 1. quæstion. prima. His addit Suarez ex recentioribus Herreram in 2. distinctione 7. disputat. 2. & 3. Malonium in 2. distinct. 8. disputat. 14. iuncta 15. & Pesantium, 1. part. quæstion. 53. articulo 1. disputat. 3. Imo ipsem Sanctus Thomas in 1. distinct. 37. quæstion. 4. articulo 1. ad 1. non parum eidem sententia faver, dum dicit, propositionem Aristoteles 3. physic. tex. 9. quod motus est actus imperfecti, habere locum in Angelo etiam beato: cum tamen constet Aristotelem illic loqui de subiecto motus.

Probatur assertio. Tum quia motus localis corporis subiectus & realiter est in ipso corpore, ut non solum habet communis Philosophorum & Theologorum sententia, consentiente quoque Vasquez 1. part. quæstion. 29. cap. 3. & disputat. 188. capit. 7. sed etiam aperte tradit Aristoteles 9. Metaph. tex. 9. & lib. 3. Physic. cap. 3. vbi ait: *Per se ipsum est, motum esse in eo, quod mouetur:* id quod ex ipsa etiam definitione motus colligitur, dum dicitur, *actus in potentia in potentia,* quod ens non est aliud, quam ipsum mobile. Ergo motus habet terminum realē & intrinsecum in ipso corpore, cum quo identificetur: Ergo in Angelo; siquidem quoad hoc est per ratio corporis & Angelii. Tum quia motus localis est aliquis effectus positivus realis, qui de novo producitur, vti patet: Ergo habet terminum realē de novo productū, at non alium, nec alibi, præterquam in ipso mobili; siue hoc mobile sit corpus, siue Angelus: siquidem impossibile est, ut motus localis sit forma alterius subiecti, quam ipsius mobilis; quod denominat. Denique supra dub. 2. probatum est, tam in motu locali Angelii, quam corporis terminum positivum realē & intrinsecum, qui per motum acquiritur, esse ipsum. Vbi intrinsecum, Vnde est?

**Assertio VI.** Terminus qui per motum localē ab Angelo acquiritur, non est aliqua unio realis Angelii cum corpore, qua moto etiam cum corpore, simul cum Angelo invariata permaneat, sed modus realis intrinsecus ipsius. Vbi localis; qui toties mutatur & variatur, quoties Angelus per se siue per accidens loco mouetur, mutata nimur distantia ad fixas partes mundi.

Ita.

Ita Molina, Suarez, aliquae citati, contra Vazquez. Probatur ex dictis citat. dub. 3. Tum quia nulla datur eiusmodi unio realis Angeli cum corpore. Tum quia etiam si daretur, is tamen non posset esse terminus motus localis: quandoquidem motu locali per se ac necessario non variatur aut mutatur, ut dictum: quare non potest etiam esse fundamentum relationis, distantiae, ad fixas partes mundi. Denique ipsum Vazquez fatetur, cum modum non semper, neque necessario acquiri, vel haberi ab Angelo, quoties mouetur localiter.

<sup>16</sup> Vnde sequitur altera pars assertionis. Quia per illud ubi intrinsecum optime explicantur, omnia, quae ad terminum motus localis requiruntur: nimur 1. quod sit aliquid posituum, reale, accidentale in ipso Angelo. 2. quod per se motu acquiratur etiam in vacuo. 3. quod motus cum illo identificetur. 4. quod semper mutetur, quoties Angelus sive per se, sive per accidens loco mouetur. 5. quod sit fundamentum distantiae ad fixas partes mundi; quae omnia patent ex dub. 2.

<sup>17</sup> Et confirmantur haec omnia ex analogia motus corpori; nam & hic aliud terminum proprium ac intrinsecum non habet, quam hoc ubi locale corporum; tum ab exemplo cœlorum inferiorum, qui motu primi mobilis mouentur; aut etiam nautæ, qui motu nauis mouetur; imo etiam animas in corpore, & corporis Christi sub speciebus; nam & haec nouum ubi intrinsecum acquirunt, quoties loco mouentur; etiam si per accidens tantum moueantur; vt suo loco doceimus, & recte etiam tradit Suarez hic cap. 14. Neque propterea vel corpus Christi in hostia, vel anima in corpore, simpliciter & absolute dicenda sunt per se moueri; quia vis motiva non directe, sed indirecte solum illis applicatur; ita ut moueantur solum ad motum alterius; qui est virus ex præcipuis modis motus per accidens, iuxta Aristotelem 5. Physic. capit. 1. etiam si non moueantur per accidens alio sensu, quasi formaliter moueantur per solum motum alienum.

<sup>18</sup> Ex quibus etiam dissoluuntur fundamenta sententiarum oppositarum; ut nimur. 1. quod motus localis, etiam corporum, solum sit denominatio extrinseca: vel 2. quod Angelus non moueatur loco, nisi secundum operationem transirent. vel 3. non nisi per unionem realem & formalem cum corpore, &c. quæ falsa esse, ex dictis constat. Aristoteles autem in contrarium citatus loquitur de termino motus, qui sit res distincta à subiecto, ut est forma substantialis, quantitas, qualitas, &c.

<sup>19</sup> Assertio VII. Tametsi vero, ut dictum, in omni motu locali Angelus, ubi eius intrinsecum realiter aliquo modo varietur; non tamen quolibet motu locali Angelus terminus positivus acquiritur, & amittitur, sed prætermotum localem, quo Angelus amissus priori ubi locali intrinseco, acquirit nouum ubi locale intrinsecum, esse potest in Angelo etiam aliis motus localis, quo vel toto permanente priori ubi locali, accedit eidem solum noua pars ubi localis; aut quo parte solum

prioris ubi localis permanente, pars solum aliquam amittatur; ita ut in primo casu motus quidem localis Angelus sit inter terminos positivos, & partim deperditius, partim acquisitus: in secundo tamen sit mere acquisitus, adeoque inter terminum à quo priuatuum, qui est priuatio maioris ubi, & terminum ad quem positivum: in tertio sit mere deperditius sive priuatu<sup>9</sup> inter terminum à quo positivum, & terminum ad quem priuatuum. Ita Suarez hic lib. 4. cap. 16. & patet ex dictis supra dub. 3. assert. 5.

<sup>20</sup> Probatur assertio. Quia Angelus suo arbitratu potest esse in loco adæquato, vel inadæquato, idq; per ubi diuisibile in ordine ad locum, ut ibide dicimus. Ergo potest vel totum priorem locum amittere, & acquirere nouum; vel in loco inadæquato existens, potest suum ubi extenderet, retento quidem priori ubi, sed nova ad eum facta accessione: vel in loco adæquato, aut etiam inadæquato existens potest contrahere se ad minus ubi, sola parte prioris ubi amissa, ut ibidem dicimus. Quia ratione etiam in locali motu Angelorum omnis illa varietas cernitur, quam Aristoteles 5. Physic. cap. 1. generatim motui attribuit, ut nimur sit, vel à subiecto ad subiectum, vel a non subiecto ad subiectum, vel à subiecto ad non subiectum.

<sup>21</sup> Contrarium tamen docet, non solum Bassolis in 2. dist. 2. q. 4. a. 1. & quotquot cum illo sentiunt, Angelum per suam substantiam esse non posse nisi in loco adæquato; sed etiam qui negant, ubi locale Angelus, ex parte loci seu spaci, esse extensem & diuisibile; qui proinde asserunt, quoties Angelus se in eodem loco permanens, ad maiorem locum extendit, aut contrahit ad minorem, semper amitti prius ubi, & acquiri nouum, ut cit. dub. 3. retulimus. Sed quas sententias ibidem refutauimus; ubi etiam dicimus, esse quoad hoc differeniam inter corpora, & Angelos, illa enim cum non possint esse nisi in locis adæquatis, non possunt localiter moueri nisi à termino positivo, ad aliud positivum, non autem à positivo ad priuatuum, vel à priuatuo ad positivum, ut consideranti facile patebit.

## DVBIVM VII.

*Vtrū Angelus posset moueri de extremo ad extremū, seu ab uno loco ad aliu sine trāstū per mediū.*

S. Thomas p. 1. p. 53, art. 2.

**P**roponit S. Thomas loc. cit. hanc difficultatem sub terminis paulo generalioribus, idq; dupl. citer: nam initio citatae questionis 53. ita articuli secundi argumentū proponit, *Vtrū Angelus moueatur de loco ad locum per transfundō medium*, at verò titulus, qui eidē articulo præfigitur ita habet, *Vtrū Angelus transeat per medium*, scilicet dum mouetur. Et vero res omnis eodem fere pertinet; siquidem cum in quovis motu Angelico, quo priori loco diuisibili relicto, nouus locus acquiritur, inter principium prioris loci, & extremum alteri<sup>9</sup> (quæ sunt duo quasi extrema) intercedant plura loca media, ita ut Angelus semper in priori ac priori

*motum*